

◎子曰：「君子喻於義，小人喻於利。」
 ◎子曰：「君子博學於文，約之以禮，亦可以弗畔矣夫。」
 ◎子曰：「君子坦蕩蕩，小人常戚戚。」
 ◎子曰：「君子和而不同，小人同而不和。」
 ◎子曰：「君子泰而不驕，小人驕而不泰。」
 ◎子曰：「不在其位，不謀其政。」曾子曰：「君子思不出其位。」
 ◎子曰：「君子上達，小人下達。」
 ◎子曰：「君子道者三，我無能焉，仁者不憂，知者不惑，勇者不懼。」子貢曰：「夫子自道也。」
 ◎子曰：「君子謀道不謀食。耕也，鋤在其中矣；學也，祿在其中矣。君子憂道不憂貧。」
 ◎子曰：「君子矜而不爭，羣而不黨。」
 ◎子曰：「君子義以為質，禮以行之，孫以出之，信以成之，君子哉！」
 ◎子曰：「君子有三畏：畏天命，畏大人，畏聖人之言。小人不知天命而不畏也，狎大人，侮聖人之言。」
 ◎子曰：「君子有九思：視思明，聽思聰，色思溫，貌思恭，言思忠，事思敬，疑思問，忿思難，見得思義。」
 ◎孔子曰：「君子有三戒：少之時，血氣未定，戒之在『色』；及其壯也，血氣既衰，戒之在『得』；及其老也，血氣既衰，戒之在『得』。」